

ओं नमः परमात्मने, श्री महागणपतये नमः

श्री गुरुभ्यो नमः

हरिः ओं
--

कृष्ण यजुर्वेदिय तैत्तिरीय संहिता क्रम पाठः

प्रथम काण्डे द्वितीयः प्रश्नः

Table of Contents

1 कृष्ण यजुर्वेदिय तैत्तिरीय संहिता क्रम पाठः	3
1.2 प्रथम काण्डे द्वितीयः प्रश्नः – (अग्निष्टोमे क्रयः).....	3

=====

ओं नमः परमात्मने, श्री महागणपतये नमः

श्री गुरुभ्यो नमः, हरिः ओं

1 कृष्ण यजुर्वेदिय तैत्तिरीय संहिता क्रम पाठः

1.2 प्रथम काण्डे द्वितीयः प्रश्नः – (अग्निष्टोमे क्रयः)

T.S.1.2.1.1 - kramam

आप॑ उ॒न्दन्तु॑ । उ॒न्दन्तु॑ जी॒वसे॑ । जी॒वसे॑ दी॒र्घायु॑त्वाय॑ । दी॒र्घायु॑त्वाय॑
वर्च॑से । दी॒र्घायु॑त्वायेति॑ दी॒र्घायु॑ - त्वाय॑ । वर्च॑स ओष॑धे । ओष॑धे
त्राय॑स्व । त्राय॑स्वैनम् । ए॒न॒७ स्व॑धिते॑ । स्व॑धिते॑ मा । स्व॑धित॒ इति॑
स्व - धि॑ते । मै॒नम् । ए॒न॒७ हि॒७सीः॑ । हि॒७सीर् दे॒वश्रूः॑ ।
दे॒वश्रू॑रेतानि॑ । दे॒वश्रू॑रिति॑ दे॒व - श्रूः॑ । ए॒तानि॑ प्र । प्र॒ वपे॑ । व॒पे
स्व॒स्ति । स्व॒स्त्युत्तरा॑णि । उत्तरा॑ण्यशी॒य । उत्तरा॑णीत्युत् - तरा॑णि ।
अशी॑यापः । आपो॑ अ॒स्मान् । अ॒स्मान् मा॒तरः॑ । मा॒तरः॑ शु॒न्धन्तु॑ ।
शु॒न्धन्तु॑ घृ॒तेन॑ । घृ॒तेन॑ नः । नो॑ घृ॒तपु॒वः । घृ॒तपु॒वः पु॒नन्तु॑ । घृ॒तपु॒व
इति॑ घृ॒त - पु॒वः । पु॒नन्तु॑ वि॒श्वम् । वि॒श्वम॒स्मत् । अ॒स्मत् प्र॑ ।
प्र॒ वह॑न्तु । वह॑न्तु रि॒प्रम् । रि॒प्रमु॑त् । उ॒दा॒भ्यः॑ । आ॒भ्यः॑ शु॒चिः॑ ।

शुचि॒रा । आ पू॒तः । पू॒त ए॒मि । ए॒मि सोम॑स्य । सोम॑स्य त॒नूः ।
त॒नूर॑सि । अ॒सि त॒नुव॑म् । त॒नुव॑म् मे । मे पा॒हि । पा॒हि म॒हीना॑म् ।
म॒हीना॑म् प॒यः । प॒योऽसि॑ । अ॒सि व॒र्चो॑धाः । व॒र्चो॑धा अ॒सि ।
व॒र्चो॑धा इति॑ व॒र्चः – धाः । अ॒सि व॒र्चः । व॒र्चो॑ म॒यि । 1 (50/56)

T.S.1.2.1.2 - kramam

म॒यि धे॒हि । धे॒हि वृ॒त्रस्य॑ । वृ॒त्रस्य॑ क॒नीनि॑का । क॒नीनि॑काऽसि॑ ।
अ॒सि चक्षु॑ष्पाः । चक्षु॑ष्पा अ॒सि । चक्षु॑ष्पा इति॑ चक्षुः – पाः ।
अ॒सि चक्षुः॑ । चक्षु॑र् मे । मे पा॒हि । पा॒हि चि॒त्पतिः॑ । चि॒त्पति॑स्त्वा ।
चि॒त्पति॑रिति॑ चि॒त् – पतिः॑ । त्वा पु॒नातु॑ । पु॒नातु॑ वाक्पतिः॑ ।
वाक्पति॑स्त्वा । वाक्पति॑रिति॑ वाक् – पतिः॑ । त्वा पु॒नातु॑ । पु॒नातु॑
दे॒वः । दे॒वस्त्वा । त्वा स॒विता॑ । स॒विता॑ पु॒नातु॑ । पु॒नात्व॑च्छि॒द्रेण॑ ।
अ॒च्छि॒द्रेण॑ प॒वित्रे॑ण । प॒वित्रे॑ण व॒सोः । व॒सोः सूर्य॑स्य । सूर्य॑स्य
र॒श्मिभिः॑ । र॒श्मिभि॑स्तस्य॑ । र॒श्मिभि॑रिति॑ र॒श्मि – भिः॑ । तस्य॑ ते ।
ते प॒वित्र॑पते । प॒वित्र॑पते प॒वित्रे॑ण । प॒वित्र॑पत इति॑ प॒वित्र – पते॑ ।
प॒वित्रे॑ण य॒स्मै । य॒स्मै क॒म् । क॒म् पु॒ने । पु॒ने तत् । तच्छ॑के॒यम् ।
श॒के॒य॒मा । आ वः॑ । वो दे॒वासः॑ । दे॒वास॑ ई॒महे॑ ।

प्रथम काण्डे – द्वितीयः प्रश्नः – (TS 1.2)

ई॒महे॑ स॒त्यध॑र्माणः । स॒त्यध॑र्माणो अ॒ध्वरे॑ । स॒त्यध॑र्माण इति॒
स॒त्य – ध॑र्माणः । अ॒ध्वरे॑ यत् । य॒द्वः । वो॑ दे॒वासः॑ । दे॒वास
आ॒गुरे॑ । आ॒गुरे॑ य॒ज्ञिया॑सः । आ॒गुर इ॒त्या – गु॑रे । य॒ज्ञिया॑सो
ह॒वाम॑हे । ह॒वाम॑ह इ॒न्द्रा॒ग्नी । इ॒न्द्रा॒ग्नी द्या॑वापृ॒थिवी॑ । इ॒न्द्रा॒ग्नी
इती॑न्द्र – अ॒ग्नी । द्या॑वापृ॒थिवी॑ आपः । द्या॑वापृ॒थिवी॑ इति॒
द्या॒वा – पृ॑थिवी । आप॑ ओष॒धीः () । ओष॒धी॒स्त्वम् ।
त्वम् दी॒क्षा॒णाम् । दी॒क्षा॒णाम॒धिप॑तिः । अ॒धिप॑तिरसि ।
अ॒धिप॑तिरि॒त्यधि॑ – प॒तिः । अ॒सी॒ह । इ॒ह मा॑ । मा॒ स॒न्तम् ।
स॒न्तम् पा॑हि । पा॒हीति॑ पाहि ॥ 2 (58/68)

(व॒र्च – ओष॒धीर॑ष्टौ च॑) (A1)

T.S.1.2.2.1 - kramam

आ॒कू॒त्यै प्र॑युजे । आ॒कू॒त्या इ॒त्या – कू॒त्यै । प्र॑युजे॒ ऽग्नये॑ । प्र॑युज
इति॑ प्र – युजे॒ । अ॒ग्नये॑ स्वा॒हा । स्वा॒हा मे॒धायै॑ । मे॒धायै॑ मन॒से ।
मन॒से ऽग्नये॑ । अ॒ग्नये॑ स्वा॒हा । स्वा॒हा दी॒क्षायै॑ । दी॒क्षायै॑ तप॒से ।
तप॒से ऽग्नये॑ । अ॒ग्नये॑ स्वा॒हा । स्वा॒हा सर॑स्व॒त्यै । सर॑स्व॒त्यै पू॒ष्णे ।

तैत्तिरीय संहिता क्रम पाठे (TS 1.2)

पू॒ष्णे॑ ऽ॒ग्नये॑ । अ॒ग्नये॑ स्वा॒हा । स्वा॒हा ऽ॒पः । आ॒पो दे॒वीः ।
दे॒वीर् बृ॒हतीः॑ । बृ॒हतीर् वि॒श्वश॑म्भुवः । वि॒श्वश॑म्भुवो द्या॒वापृ॑थि॒वी ।
वि॒श्वश॑म्भुव इति वि॒श्व – श॑म्भुवः । द्या॒वापृ॑थि॒वी उ॒रु । द्या॒वापृ॑थि॒वी
इति द्या॒वा – पृ॑थि॒वी । उ॒र्वन्त॑रि॒क्षम् । अ॒न्त॑रि॒क्षम् बृ॒हस्प॑तिः ।
बृ॒हस्प॑तिर् नः । नो॒ ह॒विषा॑ । ह॒विषा॑ वृ॒धातु॑ । वृ॒धातु॑ स्वा॒हा ।
स्वा॒हा वि॒श्वे॑ । वि॒श्वे दे॒वस्य॑ । दे॒वस्य॑ ने॒तुः । ने॒तुर् म॑र्तः ।
म॑र्तो वृ॒णीत॑ । वृ॒णीत॑ स॒ख्यम् । स॒ख्यं वि॒श्वे॑ । वि॒श्वे रा॒यः ।
रा॒य इ॒षुद्ध्य॑सि । इ॒षुद्ध्य॑सि द्यु॒म्नम् । द्यु॒म्नं वृ॒णीत॑ । वृ॒णीत॑ पु॒ष्यसे॑ ।
पु॒ष्यसे॑ स्वा॒हा । स्वा॒हर्ख॑साम॒योः । ऋ॒ख॑साम॒योः शिल्पे॑ ।
ऋ॒ख॑साम॒योरित्यृ॑क् – साम॒योः । शिल्पे॑ स्थः । शिल्पे॑ इति शिल्पे॑ ।
स्थ॒स्ते । ते वा॒म् । ते इति॑ ते । वा॒मा । आ र॑भे । र॒भे ते । ते मा॑ ।
ते इति॑ ते । मा पा॒तम् । 3 (50/58)

T.S.1.2.2.2 - kramam

पा॒त॒मा । आ ऽ॒स्य । अ॒स्य य॒ज्ञस्य॑ । य॒ज्ञस्यो॑दृ॒चः । उ॒दृ॒च इ॒माम् ।
उ॒दृ॒च इत्यु॑त् – ऋ॒चः । इ॒माम् धि॒यम् । धि॒यं शि॒क्षमा॑णस्य ।
शि॒क्षमा॑णस्य दे॒व । दे॒व क्र॑तुम् । क्र॑तुम् दक्षम् । दक्षं व॑रुण ।

प्रथम काण्डे – द्वितीयः प्रश्नः – (TS 1.2)

वरु॒ण॒ स॒म् । स॒ञ् शि॒शा॒धि॒ । शि॒शा॒धि॒ यया॑ । यया॑ति॒ ।
अति॑ वि॒श्वा॑ । वि॒श्वा॑ दु॒रि॒ता॒ । दु॒रि॒ता॒ तरे॑म॒ । दु॒रि॒तेति॑ दुः – इ॒ता॒ ।
तरे॑म॒ सु॒त॒र्मा॒णम् । सु॒त॒र्मा॒ण॒मधि॑ । सु॒त॒र्मा॒ण॒मिति॑ सु – त॒र्मा॒णम् ।
अधि॑ ना॒वम् । ना॒वञ् रु॒हे॒म॒ । रु॒हे॒मो॒र्क् । ऊ॒र्ग॒सि॒ । अ॒स्या॒ङ्गि॒र॒सी॒ ।
आ॒ङ्गि॒र॒स्यूर्ण॑म॒दाः । ऊ॒र्ण॑म॒दा॒ ऊ॒र्ज॑म् । ऊ॒र्ण॑म॒दा॒ इत्यूर्ण॑ – म॒दाः ।
ऊ॒र्ज॑म् मे॒ । मे॒ य॒च्छ॒ । य॒च्छ॒ पा॒हि॒ । पा॒हि॒ मा॑ । मा॒ मा॑ । मा॒ मा॑ ।
मा॒ हि॒ञ्सीः॑ । हि॒ञ्सी॒र् वि॒ष्णोः॑ । वि॒ष्णोः॑ श॒र्म॒ । श॒र्मा॑सि॒ । अ॒सि॒
श॒र्म॒ । श॒र्म॒ यज॑मान॒स्य॒ । यज॑मान॒स्य॒ श॒र्म॒ । श॒र्म॒ मे॒ । मे॒ य॒च्छ॒ ।
य॒च्छ॒ नक्ष॑त्रा॒णाम् । नक्ष॑त्रा॒णाम् मा॑ । मा॒ ऽती॑का॒शात् ।
अ॒ती॒का॒शात् पा॑हि॒ । पा॒ही॒न्द्र॒स्य॒ । इ॒न्द्र॒स्य॒ यो॒निः॑ । यो॒नि॒र॒सि॒ () ।

अ॒सि॒ मा॑ । 4 (50/54)

T.S.1.2.2.3 - kramam

मा॒ मा॑ । मा॒ हि॒ञ्सीः॑ । हि॒ञ्सीः॑ कृ॒ष्यै॑ । कृ॒ष्यै॑ त्वा॑ ।
त्वा॒ सु॒स॒स्यायै॑ । सु॒स॒स्यायै॑ सु॒पि॒प्प॒ला॒भ्यः॑ ।
सु॒स॒स्याया॑ इति॑ सु – स॒स्यायै॑ । सु॒पि॒प्प॒ला॒भ्यस्त्वा॑ ।

तैत्तिरीय संहिता क्रम पाठे (TS 1.2)

सु॒पि॒प्प॒ला॒भ्य॒ इति॑ सु॒ - पि॒प्प॒ला॒भ्यः॑ । त्वौष॑धीभ्यः । औष॑धीभ्यः
सू॒प॒स्थाः॑ । औष॑धीभ्य इत्योष॑धि - भ्यः॑ । सू॒प॒स्था॒ देवः॑ । सू॒प॒स्था
इति॑ सु॒ - उ॒प॒स्थाः॑ । दे॒वो वन॑स्पतिः । वन॑स्पतिरू॒र्ध्वः॑ ।
ऊ॒र्ध्वो॑ मा॒ । मा पा॑हि । पा॒ह्या । ओ॒दृचः॑ । उ॒दृचः॑ स्वाहा॑ । उ॒दृच
इत्यु॑त् - ऋ॒चः॑ । स्वाहा॑ य॒ज्ञम् । य॒ज्ञम् मन॑सा । मन॑सा स्वाहा॑ ।
स्वाहा॑ द्यावा॑पृथि॒वीभ्या॑म् । द्यावा॑पृथि॒वीभ्या॑ स्वाहा॑ ।
द्यावा॑पृथि॒वीभ्या॑मिति॑ द्यावा॑ - पृथि॒वीभ्या॑म् । स्वाहो॑रोः ।
उ॒रोर॑न्तरि॒क्षात् । अ॒न्तरि॑क्षाथ् स्वाहा॑ । स्वाहा॑ य॒ज्ञम् । य॒ज्ञं वा॑तात् ।
वा॒तादा॑ । आ र॑भे । र॒भ इति॑ र॒भे ॥ 5 (30/36)

(मा॒ - यो॒निर॑सि - त्रि॒ंश॑च्च) (A2)

T.S.1.2.3.1 - kramam

दै॒वीम् धि॑यम् । धि॑यम् म॒नाम॑हे । म॒नाम॑हे सु॒मृ॒डीका॑म् ।
सु॒मृ॒डीका॑मभि॒ष्टये॑ । सु॒मृ॒डीका॑मिति॑ सु॒ - मृ॒डीका॑म् । अ॒भिष्ट॑ये
व॒र्चो॑धाम् । व॒र्चो॑धां य॒ज्ञवा॑हसम् । व॒र्चो॑धामिति॑ व॒र्चः - धा॑म् ।
य॒ज्ञवा॑हसꣳ सु॒पा॒रा । य॒ज्ञवा॑हसमिति॑ य॒ज्ञ - वा॑हसम् । सु॒पा॒रा नः॑ ।
सु॒पा॒रेति॑ सु॒ - पा॒रा । नो॒ अस॑त् । अ॒सद्व॑शे । व॒श इति॑ व॒शे ॥

प्रथम काण्डे – द्वितीयः प्रश्नः – (TS 1.2)

ये दे॒वाः । दे॒वा मनो॑जा॒ताः । मनो॑जा॒ता मनो॑युजः । मनो॑जा॒ता इति॑
मनः॑ – जा॒ताः । मनो॑युजः सु॒दक्षाः॑ ॥ मनो॑युज इति॑ मनः॑ – युजः॑ ।
सु॒दक्षा दक्ष॑पि॒तारः । सु॒दक्षा इति॑ सु – दक्षाः॑ । दक्ष॑पि॒तारस्ते॑ ।
दक्ष॑पि॒तार इति॑ दक्ष – पि॒तारः । ते नः॑ । नः पा॒न्तु । पा॒न्तु ते ।
ते नः॑ । नो॒ऽवन्तु॑ । अव॒न्तु तेभ्यः॑ । तेभ्यो॑ नमः॑ । नमस्ते॑भ्यः ।
तेभ्यः॑ स्वाहा॑ । स्वाहा॑ऽग्ने॑ । अग्ने॑ त्वम् । त्वं सु॑ । सु जा॒गृहि॑ ।
जा॒गृहि वयम्॑ । वयं सु॑ । सु म॒न्दिषी॑महि । म॒न्दिषी॑महि गो॒पाय॑ ।
गो॒पाय नः॑ । नः स्व॒स्तये॑ ॥ स्व॒स्तये॑ प्र॒बुधे॑ ॥ प्र॒बुधे॑ नः॑ । प्र॒बुध इति॑
प्र – बुधे॑ । नः पुनः॑ । पुनर् ददः॑ । दद इति॑ ददः॑ ॥ त्वम॑ग्ने ।
अग्ने॑ व्रत॒पाः । व्रत॒पा अ॑सि । व्रत॒पा इति॑ व्रत – पाः॑ । अ॒सि दे॒वः ।
दे॒व आ॑ । आ म॒र्त्येषु॑ । म॒र्त्येष्व॑ । आ त्वम् ॥ त्वं य॒ज्ञेषु॑ । 6 (50/60)

T.S.1.2.3.2 - kramam

य॒ज्ञेष्वी॒ड्यः॑ । ई॒ड्य इती॒ड्यः॑ ॥ वि॒श्वे दे॒वाः । दे॒वा अ॒भि ।
अ॒भि मा॒म । मा॒मा । आ॒ऽववृ॑त्रन् । अ॒ववृ॑त्रन् पू॒षा । पू॒षा स॒न्या ।
स॒न्या सोमः॑ । सोमो॑ रा॒धसा॑ । रा॒धसा॑ दे॒वः । दे॒वः स॒विता॑ ।

तैत्तिरीय संहिता क्रम पाठे (TS 1.2)

स॒वि॒ता व॒सोः॑ । व॒सोर् व॒सु॒दा॒वा । व॒सु॒दा॒वा रा॒स्व । व॒सु॒दा॒वेति॑
व॒सु-दा॒वा । रा॒स्वे॒यत् । इ॒य॒थ् सो॒म । सो॒मा । आ भू॒यः । भू॒यो भ॒र ।
भ॒र मा । मा पृ॒णन् । पृ॒णन् पू॒र्त्या । पू॒र्त्या वि । वि रा॒धि । रा॒धि मा ।
माऽह॒म् । अ॒ह॒मा॒यु॒षा । आ॒यु॒षा च॒न्द्रम् । च॒न्द्र॒म॒सि । अ॒सि म॒म ।
म॒म भो॒गाय॑ । भो॒गाय॑ भ॒व । भ॒व व॒स्त्रम् । व॒स्त्र॒म॒सि । अ॒सि म॒म ।
म॒म भो॒गाय॑ । भो॒गाय॑ भ॒व । भ॒वो॒स्रा । उ॒स्राऽसि॑ । अ॒सि म॒म ।
म॒म भो॒गाय॑ । भो॒गाय॑ भ॒व । भ॒व ह॒यः । ह॒योऽसि॑ । अ॒सि म॒म ।
म॒म भो॒गाय॑ । भो॒गाय॑ भ॒व । भ॒व छा॒गः । 7 (50/51)

T.S.1.2.3.3 - kramam

छा॒गोऽसि॑ । अ॒सि म॒म । म॒म भो॒गाय॑ । भो॒गाय॑ भ॒व । भ॒व मे॒षः ।
मे॒षोऽसि॑ । अ॒सि म॒म । म॒म भो॒गाय॑ । भो॒गाय॑ भ॒व । भ॒व वा॒यवे॑ ।
वा॒यवे॑ त्वा । त्वा व॒रु॒णाय॑ । व॒रु॒णाय॑ त्वा । त्वा नि॒र्ऋ॒त्यै । नि॒र्ऋ॒त्यै
त्वा । नि॒र्ऋ॒त्या इति॑ निः - ऋ॒त्यै । त्वा रु॒द्राय॑ । रु॒द्राय॑ त्वा ।
त्वा दे॒वीः । दे॒वी॒रा॒पः । आ॒पो अ॒पाम् । अ॒पान्न॒पात् । न॒पा॒द्यः ।

प्रथम काण्डे – द्वितीयः प्रश्नः – (TS 1.2)

य ऊ॒र्मिः । ऊ॒र्मिर् ह॒विष्यः । ह॒विष्य इन्द्रि॒यावान् । इन्द्रि॒यावान्
मदि॒न्तमः । इन्द्रि॒यावानितीन्द्रि॒य – वान् । मदि॒न्तमस्तम् । तं वः ।
वो मा । माऽव । अव क्रमिषम् । क्रमिषमच्छिन्नम् ।
अच्छिन्नम् तन्तुम् । तन्तुम् पृथि॒व्याः । पृथि॒व्या अनु । अनु गेषम् ।
गेषम् भद्रात् । भद्रादभि । अभि श्रेयः । श्रेयः प्र । प्रेहि । इहि
बृह॒स्पतिः । बृह॒स्पतिः पुर॑एता । पुर॑एता ते । पुर॑एतेति पुरः-एता ।
ते अस्तु । अस्त्वथ । अथे॒म् । ईमव । अव स्य () । स्य वरे ।
वर आ । आ पृथि॒व्याः । पृथि॒व्या आरे । आरे शत्रून् ।
शत्रून् कृणुहि । कृणुहि सर्व॑वीरः । सर्व॑वीर आ । सर्व॑वीर इति
सर्व – वीरः । एदम् । इदमगन्म । अगन्म देवय॑जनम् । देवय॑जनम्
पृथि॒व्याः । देव॑य॒जनमि॒ति देव – य॒जनम् । पृथि॒व्या विश्वे॑ । विश्वे॑
दे॒वाः । दे॒वा यत् । यदजु॑षन्त । अजु॑षन्त पूर्वे । पूर्व ऋ॒ख्स्सामा॒भ्याम् ।
ऋ॒ख्स्सामा॒भ्यां यजु॑षा । ऋ॒ख्स्सामा॒भ्यामि॒त्यृ॒ख्स्साम – भ्याम् ।
यजु॑षा सन्तरन्तः । सन्तरन्तो रा॒यः । सन्तरन्त॑ इति सम् – तरन्तः ।

रा॒य॒स्पो॒षेण॑ । पो॒षेण॑ स॒म् । स॒मि॒षा । इ॒षा म॑दे॒म ।

म॑दे॒मेति॑ म॑दे॒म ॥ 8 (75/82) (आ त्व॑ - ह॒योऽसि॑ म॒म भो॑गा॒य
भव॑-स्य॒-प॒ञ्चवि॑ंशतिश्च) (A3)

T.S.1.2.4.1 - kramam

इ॒यम् ते॑ ॥ ते॒ शु॒क्र । शु॒क्र त॒नूः । त॒नूरि॑दम् । इ॒दं वर्चः॑ । वर्च॑स्त॒या ॥
त॒या स॒म् । स॒म् भ॒व । भ॒व भ्रा॑जम् । भ्रा॒जम् ग॑च्छ । ग॒च्छ जूः॑ ।
जू॒रसि॑ । अ॒सि धृ॑ता । धृ॒ता म॑न॒सा । म॑न॒सा जु॑ष्टा ॥ जु॒ष्टा वि॑ष्णवे ।
वि॒ष्णवे॑ तस्याः॑ । तस्या॑स्ते॒ । ते स॒त्यस॑वसः । स॒त्यस॑वसः प्र॒सवे॑ ।
स॒त्यस॑वस इति॑ स॒त्य - स॑वसः । प्र॒सवे॑ वा॒चः । प्र॒सव॑ इति॑
प्र - स॑वे । वा॒चो य॑न्त्रम् । य॒न्त्रम॑शीय । अ॒शीय॑ स्वाहा॑ । स्वाहा॑
शु॒क्रम् । शु॒क्रम॑सि । अ॒स्यमृ॑तम् । अ॒मृत॑मसि । अ॒सि वै॒श्वदे॑वम् ।
वै॒श्वदे॑व॒ हविः॑ । वै॒श्वदे॑वमिति॑ वै॒श्व - दे॑वम् । ह॒विः सूर्य॑स्य ।
सूर्य॑स्य चक्षुः॑ । चक्षु॑रा । आ ऽरु॑हम् । अ॒रुह॑मग्नेः । अ॒ग्नेर॑क्ष्णः ।
अ॒क्ष्णः क॑नी॒निका॑म् । क॑नी॒निकां॑ य॒त् । य॑दे॒तशे॑भिः ।
ए॒तशे॑भिरी॒यसे॑ । ई॒यसे॑ भ्रा॒जमा॑नः । भ्रा॒जमा॑नो वि॒पश्चि॑ता ॥

वि॒पश्चि॒ता चि॒त् । चि॒द॒सि॒ । अ॒सि॒ म॒ना । म॒नाऽसि॒ । अ॒सि॒ धीः ।
धी॒र॒सि॒ । अ॒सि॒ दक्षि॑णा । दक्षि॑णाऽसि॒ । 9 (50/53)

T.S.1.2.4.2 - kramam

अ॒सि॒ य॒ज्ञि॒या ॥ य॒ज्ञि॒याऽसि॒ । अ॒सि॒ क्ष॒त्रि॒या ॥ क्ष॒त्रि॒याऽसि॒ ।
अ॒स्य॒दि॒तिः । अ॒दि॒ति॒र॒सि॒ । अ॒स्यु॒भ॒य॒तश्शी॑र्ष्णी । उ॒भ॒य॒तश्शी॑र्ष्णी सा ।
उ॒भ॒य॒तश्शी॑र्ष्णीत्यु॒भ॒य॒तः – शी॑र्ष्णी । सा नः । नः सु॒प्रा॒ची । सु॒प्रा॒ची
सु॒प्र॒ती॒ची । सु॒प्रा॒ची॒ति॒ सु – प्रा॒ची । सु॒प्र॒ती॒ची॒ सम् । सु॒प्र॒ती॒ची॒ति॒
सु – प्र॒ती॒ची । सम् भ॒व । भ॒व मि॒त्रः । मि॒त्र॒स्त्वा ॥ त्वा प॒दि ।
प॒दि ब॒द्ध॒नातु॑ । ब॒द्ध॒नातु॑ पू॒षा । पू॒षा ऽध्व॑नः । अ॒ध्व॑नः पातु ।
पा॒त्वि॒न्द्रा॒य । इ॒न्द्रा॒या॒दध्य॑क्षाय । अ॒ध्य॑क्षायानु ।
अ॒ध्य॑क्षायेत्य॒धि – अ॒क्षा॒य । अनु॑ त्वा । त्वा मा॒ता । मा॒ता म॒न्य॒ताम् ।
म॒न्य॒ता॒मनु॑ । अनु॑ पि॒ता । पि॒ताऽनु॑ । अनु॑ भ्रा॒ता ॥ भ्रा॒ता स॒ग॒र्भ्यः ।
स॒ग॒र्भ्योऽनु॑ । स॒ग॒र्भ्य इति॑ स-ग॒र्भ्यः । अनु॑ स॒खा ॥ स॒खा स॒यू॒थ्यः ।
॥ स॒यू॒थ्यः सा । स॒यू॒थ्य इति॑ स – यू॒थ्यः । सा दे॒वि । दे॒वि दे॒वम् ।
दे॒वम॒च्छ । अ॒च्छे॒हि । इ॒हीन्द्रा॒य । इ॒न्द्रा॒य सोम॑म् । सोम॑ रु॒द्रः ।

रु॒द्रस्त्वा॑ । त्वा । आ॑ वर्त॒यतु॑ । वर्त॒यतु॑ मि॒त्रस्य॑ । मि॒त्रस्य॑ प॒था ।
 प॒था स्व॒स्ति । स्व॒स्ति सोम॑सखा () । सोम॑सखा पुनः । सोम॑सखेति॒
 सोम॑ - सखा । पुन॒रा । एहि॑ । इहि॑ सह । सह॑ रय्या ।
 रय्येति॑ रय्या ॥ 10 (55/62) (दक्षि॑णा-सोम॑सखा-पञ्च॑ च) (A4)

T.S.1.2.5.1 - kramam

व॒स्यसि॑ । अ॒सि रु॒द्रा । रु॒द्राऽसि॑ । अ॒स्यदि॑तिः । अ॒दि॒तिर॑सि ।
 अ॒स्यादि॑त्या । आ॒दि॒त्याऽसि॑ । अ॒सि शु॒क्रा । शु॒क्राऽसि॑ । अ॒सि च॒न्द्रा ।
 च॒न्द्राऽसि॑ । अ॒सि बृ॒हस्प॑तिः । बृ॒हस्प॑तिस्त्वा । त्वा सु॒म्ने ।
 सु॒म्ने र॑ण्वतु । र॑ण्वतु रु॒द्रः । रु॒द्रो व॑सुभिः । व॑सुभि॒रा । व॑सुभि॒रिति॑
 व॑सु - भिः । आ चि॒केतु॑ । चि॒केतु॑ पृ॒थिव्याः॑ । पृ॒थिव्या॑स्त्वा ।
 त्वा मू॒र्धन् । मू॒र्धन्ना । आ जि॒घर्मि॑ । जि॒घर्मि॑ दे॒वय॑जने । दे॒वय॑जन
 इ॒डायाः॑ । दे॒वय॑जन इति॑ दे॒व - य॑जने । इ॒डायाः॑ प॒दे । प॒दे घृ॑तवति ।
 घृ॑तवति स्वाहा॑ । घृ॑तवतीति॑ घृ॒त - व॑ति । स्वाहा॑ परि॒लिखि॑तम् ।
 परि॒लिखि॑तꣳ रक्षः । परि॒लिखि॑तमिति॑ परि - लिखि॑तम् ।
 रक्षः॑ परि॒लिखि॑ताः । परि॒लिखि॑ता अ॒रात॑यः । परि॒लिखि॑ता इति॑
 परि - लिखि॑ताः । अ॒रात॑य इ॒दम् । इ॒दम॑हम् । अ॒हꣳ रक्ष॑सः ।

प्रथम काण्डे – द्वितीयः प्रश्नः – (TS 1.2)

र॒क्ष॒सो॑ ग्री॒वाः । ग्री॒वा अ॒पि । अ॒पि कृ॒न्ता॒मि । कृ॒न्ता॒मि यः ।
योऽ॒स्मा॒न् । अ॒स्मा॒न् द्वेष्टि॑ । द्वेष्टि॑ यम् । यम् च॑ । च॒ व॒यम् ।
व॒यम् द्वि॒ष्मः । द्वि॒ष्म इ॒दम् । इ॒दम॒स्य । अ॒स्य ग्री॒वाः () ।
ग्री॒वा अ॒पि । 11 (50/55)

T.S.1.2.5.2 - kramam

अ॒पि कृ॒न्ता॒मि । कृ॒न्ता॒म्यस्मो॑ । अ॒स्मो रा॒यः । अ॒स्मो इ॒त्यस्मो॑ ।
रा॒यस्त्वे॑ । त्वे॑ रा॒यः । त्वे॑ इति॒ त्वे॑ । रा॒यस्तो॑ते॒ । तो॑ते॒ रा॒यः ।
रा॒यः स॒म् । स॒म् दे॒वि । दे॒वि दे॒व्या । दे॒व्योर्व॑श्या॒ । उ॒र्वश्या॑ पश्य॒स्व ।
पश्य॒स्व त्व॑ष्टी॒मती॑ । त्व॑ष्टी॒मती॑ ते॒ । ते स॒पेय॑ । स॒पेय॑ सु॒रेताः॑ ।
सु॒रेता॑ रे॒तः । सु॒रेता॑ इति॒ सु – रे॒ताः । रे॒तो द॑धाना॒ । द॑धाना॒ वी॒रम् ।
वी॒रं वि॑देय॒ । वि॑देय॒ तव॑ । तव॑ स॒न्दृशि॑ । स॒न्दृशि॑ मा॒ । स॒न्दृशी॑ति॒
सं – दृ॑शि॒ । माऽह॑म् । अ॒हं रा॒यः । रा॒यस्पो॑षेण॒ । पो॑षेण॒ वि॒ ।
वि॒ योष॑म् । योष॑मिति॒ योष॑म् ॥ 12 (29/33)

(अ॒स्य ग्री॒वा-ए॒कान्न॑ त्रि॒ंशच्च॑) (A5)

T.S.1.2.6.1 - kramam

अ॒ञ्शु॒ना ते॑ । ते॒ अ॒ञ्शुः॑ । अ॒ञ्शुः॑ पृ॒च्यताम्॑ । पृ॒च्यताम्॑ प॒रुषा॑ ।
 प॒रुषा॑ प॒रुः । प॒रुर् गन्धः॑ । गन्ध॑स्ते॒ । ते॒ कामम्॑ । काम॑मवतु ।
 अव॑तु म॒दाय॑ । म॒दाय॑ र॒सः । र॒सो अच्यु॑तः । अच्यु॑तोऽमा॒त्यः ।
 अ॒मात्योऽसि॑ । अ॒सि शु॒क्रः । शु॒क्रस्ते॒ । ते॒ ग्रहः॑ । ग्रहोऽभि॑ ।
 अ॒भि त्यम्॑ । त्यम् दे॒वम् । दे॒वञ् सवि॑तारम् । सवि॑तारमू॒ण्योः॑ ।
 ऊ॒ण्योः॑ क॒विक्र॑तुम् । क॒विक्र॑तुम॒र्चामि॑ । क॒विक्र॑तुमि॒ति क॒वि-क्र॑तुम् ।
 अ॒र्चामि॑ स॒त्यस॑वसम् । स॒त्यस॑वसञ् रत्न॒धाम् । स॒त्यस॑वसमि॒ति
 स॒त्य - स॒वसम्॑ । रत्न॒धाम॑भि । रत्न॒धामि॑ति रत्न - धाम् । अ॒भि
 प्रि॒यम् । प्रि॒यम् म॒तिम् । म॒तिमू॒र्ध्वा । ऊ॒र्ध्वा य॒स्य॑ । य॒स्याम॑तिः ।
 अ॒मति॑र् भाः । भा॒ अदि॑द्युतत् । अदि॑द्युतथ् स॒वीम॑नि । स॒वीम॑नि
 हि॒रण्य॑पाणिः । हि॒रण्य॑पाणि॒रमि॑मीत । हि॒रण्य॑पाणि॒रिति॑ हि॒रण्य-पा॑णिः ।
 अ॒मिमी॑त सु॒क्रतुः॑ । सु॒क्रतुः॑ कृ॒पा । सु॒क्रतु॑रिति सु - क्रतुः । कृ॒पा
 सु॒वः । सु॒वरि॑ति सु॒वः ॥ प्र॒जाभ्य॑स्त्वा । प्र॒जाभ्य॑ इति प्र - जा॒भ्यः॑ ।
 त्वा प्रा॑णाय । प्रा॒णाय॑ त्वा । प्रा॒णायै॑ति प्र - अ॒नाय॑ । त्वा व्या॑नाय ।
 व्या॑नाय त्वा । व्या॒नायै॑ति वि - अ॒नाय॑ । त्वा प्र॒जाः । प्र॒जास्त्व॑म् ।

प्रथम काण्डे – द्वितीयः प्रश्नः – (TS 1.2)

प्र॒जा इति॑ प्र-जाः । त्वमनु॑ () । अनु॑ प्र । प्राणि॑हि । अनि॒हि प्र॒जाः ।
प्र॒जास्त्वाम् । प्र॒जा इति॑ प्र – जाः । त्वामनु॑ । अनु॑ प्र । प्राण॑न्तु ।
अन॒न्त्वित्यन॑न्तु ॥ 13 (57/67) (अनु॑ – सप्त॑ च) (A6)

T.S.1.2.7.1 - kramam

सोम॑म् ते । ते क्री॑णामि । क्री॑णाम्यूर्ज॑स्वन्तम् । ऊ॒र्जस्वन्त॑म्
पय॑स्वन्तम् । पय॑स्वन्तं वी॒र्याव॑न्तम् । वी॒र्याव॑न्तमभि॒माति॑षाहम् ॥
वी॒र्याव॑न्तमिति॑ वी॒र्य – व॑न्तम् । अभि॒माति॑षाह॑ शु॒क्रम् ।
अभि॒माति॑षाह॑मित्य॒भिमाति॑ – साहम् । शु॒क्रम् ते । ते शु॒क्रेण॑ ।
शु॒क्रेण॑ क्री॑णामि । क्री॑णामि च॒न्द्रम् । च॒न्द्रम् च॒न्द्रेण॑ । च॒न्द्रेणामृ॑तम् ॥
अमृ॑तममृ॑तेन । अमृ॑तेन स॒म्यय॑त् । स॒म्यय॑त् ते । ते गोः । गोर॒स्मो ।
अ॒स्मो च॒न्द्राणि॑ । अ॒स्मो इत्य॑स्मो । च॒न्द्राणि॑ तप॑सः । तप॑सस्तनूः ।
तनू॑रसि । अ॒सि प्र॒जाप॑तेः । प्र॒जाप॑तेर् वर्णः । प्र॒जाप॑तेरिति॑
प्र॒जा – प॑तेः । वर्ण॑स्तस्याः । तस्या॑स्ते । ते स॒हस्र॑पोषम् ।
स॒हस्र॑पोषम् पु॒ष्यन्त्याः । स॒हस्र॑पोषमिति॑ स॒हस्र – पो॑षम् ।
पु॒ष्यन्त्याश्च॑रमेण । च॒रमे॑ण प॒शुना॑ । प॒शुना॑ क्री॑णामि । क्री॑णाम्य॒स्मो ।

अ॒स्मै ते॑ । अ॒स्मै इत्य॒स्मै । ते॒ ब॒न्धुः । ब॒न्धुर् म॒यि । म॒यि ते॑ ।
 ते॒ रा॒यः । रा॒यः श्र॒यन्ता॒म् । श्र॒यन्ता॒मस्मै॑ । अ॒स्मै ज्यो॑तिः ।
 अ॒स्मै इत्य॒स्मै । ज्यो॑तिः सो॒मवि॒क्रयि॑णि । सो॒मवि॒क्रयि॑णि त॒मः ।
 सो॒मवि॒क्रयि॑णीति॒ सोम॑ – वि॒क्रयि॑णि । त॒मो मि॒त्रः । मि॒त्रो नः॑ ।
 न॒ आ । ए॒हि । इ॒हि सु॒मित्र॑धाः । सु॒मित्र॑धा इन्द्र॒स्य । सु॒मित्र॑धा इति॒
 सु॒मित्र॑-धाः । इन्द्र॒स्यो॒रुम् () । ऊ॒रुमा॑ । आ वि॒श । वि॒श दक्षि॑णम् ।
 दक्षि॑णमु॒शन् । उ॒शन्नु॒शन्त॑म् । उ॒शन्त॑ꣳ स्यो॒नः । स्यो॒नः स्यो॒नम् ।
 स्यो॒नꣳ स्वा॒न । स्वा॒न भ्रा॒ज । भ्रा॒जाङ्घा॑रे । अङ्घा॑रे ब॒म्भारे॑ ।
 ब॒म्भारे॑ ह॒स्त । ह॒स्त सु॒हस्त॑ । सु॒हस्त॑ कृ॒शानो॑ । सु॒हस्ते॑ति
 सु – ह॒स्त । कृ॒शान॑वे॒ते । कृ॒शान॑वि॒ति कृ॒श – अ॒नो । ए॒ते वः॑ ।
 वः सो॒मक्र॑यणाः । सो॒मक्र॑यणा॒स्तान् । सो॒मक्र॑यणा इति॒
 सो॒म-क्र॑यणाः । तान् रक्ष॑ध्वम् । रक्ष॑ध्वम् मा । मा वः॑ । वो॒ द॒भन् ।
 द॒भन्नि॑ति द॒भन् ॥ 14 (72/84) (ऊ॒रु-द्वा॒विꣳश॑तिश्च) (A7)

T.S.1.2.8.1 - kramam

उ॒दायु॑षा । आ॒युषा॑ स्वा॒युषा॑ । स्वा॒युषो॑त् । स्वा॒युषे॑ति सु – आ॒युषा॑ ।
 उ॒दोष॑धी॒नाम् । ओष॑धी॒नाꣳ र॒सेन॑ । र॒सेनो॑त् । उ॒त् पर्ज॑न्य॒स्य ।

प्रथम काण्डे – द्वितीयः प्रश्नः – (TS 1.2)

प॒र्जन्य॑स्य शु॒ष्मे॑ण । शु॒ष्मे॑णोत् । उद॑स्थाम् । अ॒स्थाम॑मृ॒तान् ।
अ॒मृता॑ ॐ अनु॑ । अ॒न्वित्य॑नु ॥ उ॒र्वन्त॑रि॒क्षम् । अ॒न्तरि॑क्ष॒मनु॑ ।
अ॒न्वि॑हि । इ॒ह्यदि॑त्याः । आ॒दि॒त्याः स॒दः । स॒दोऽसि॑ । अ॒स्यदि॑त्याः ।
आ॒दि॒त्याः स॒दः । स॒द आ॑ । आ सी॑द । सी॒दास्त॑भ्नात् । अस्त॑भ्नाद्
द्याम् । द्यामृ॑षभः । ऋ॒षभो॑ अ॒न्तरि॑क्षम् । अ॒न्तरि॑क्ष॒ममि॑मीत । अ॒मिमी॑त
वरि॑माणम् ॥ वरि॑माणम् पृ॒थिव्याः॑ । पृ॒थिव्या॑ आ । आ ऽसी॑दत् ।
अ॒सी॒दद् वि॒श्वा ॥ वि॒श्वा भु॑वनानि । भु॒वनानि॑ स॒म्राट् । स॒म्राड् वि॒श्वा ॥
स॒म्राडि॑ति सं – राट् । वि॒श्वेत् । इत् तानि॑ । तानि॑ वरु॒णस्य॑ । वरु॒णस्य॑
व्र॒तानि॑ । व्र॒तानि॑ वने॑षु । वने॑षु वि । व्य॒न्तरि॑क्षम् । अ॒न्तरि॑क्षम् त॒तान॑ ।
त॒तान॑ वा॒जम् । वा॒जम॑र्व॒थ्सु॑ । अ॒र्व॒थ्सु॑ प॒यः ।
अ॒र्व॒थि॒स्वत्य॑र्वत् – सु॒ । प॒यो अ॒घ्निया॑सु । अ॒घ्निया॑सु ह॒थ्सु॑ () ।
ह॒थ्सु॑ क्र॒तुम् । ह॒थि॒स्वति॑ ह॒त् – सु॒ । 15 (50/54)

T.S.1.2.8.2 - kramam

क्र॒तुं वरु॑णः । वरु॑णो वि॒क्षु । वि॒क्ष्वग्नि॑म् । अ॒ग्निम् दि॒वि । दि॒वि
सूर्य॑म् । सूर्य॑मदधात् । अ॒दधा॑त् सोम॑म् । सोम॑मद्रौ । अ॒द्रावु॑त् ।

उ॒दु । उ॒ त्यम् । त्यम् जा॒तवे॒दसम् । जा॒तवे॒दसम् दे॒वम् ।
जा॒तवे॒दसमि॒ति जा॒त - वे॒दसम् । दे॒वं व॑हन्ति । व॒हन्ति के॒तवः ।
के॒तव इति॑ के॒तवः ॥ दृ॒शे वि॒श्वाय॑ । वि॒श्वाय॑ सू॒र्यम् । सू॒र्यमि॒ति
सू॒र्यम् ॥ उ॒स्रावा॑ । ए॒तम् । इ॒तम् धू॒र॒षा॒हौ । धू॒र॒षा॒हा॒वन॒श्रू ।
धू॒र॒षा॒हा॒वि॒ति धूः - सा॒हौ । अ॒न॒श्रू अ॒वी॒र॒ह॒णौ । अ॒न॒श्रू
इ॒त्य॒न - श्रू । अ॒वी॒र॒ह॒णौ ब्र॒ह्म॒चो॒दनौ । अ॒वी॒र॒ह॒णा॒वि॒त्य॒वी॒र - ह॒नौ ।
ब्र॒ह्म॒चो॒दनौ व॒रु॒णस्य॑ । ब्र॒ह्म॒चो॒द॒ना॒वि॒ति ब्र॒ह्म - चो॒दनौ । व॒रु॒णस्य॑
स्व॒क॒म्भ॒नम् । स्व॒क॒म्भ॒न॒म॒सि । अ॒सि व॒रु॒णस्य॑ । व॒रु॒णस्य॑
स्व॒क॒म्भ॒स॒र्ज॒नम् । स्व॒क॒म्भ॒स॒र्ज॒न॒म॒सि । स्व॒क॒म्भ॒स॒र्ज॒न॒मि॒ति
स्व॒क॒म्भ - स॒र्ज॒नम् । अ॒सि प्र॒त्य॒स्तः । प्र॒त्य॒स्तो व॒रु॒णस्य॑ । प्र॒त्य॒स्त
इति॑ प्र॒ति - अ॒स्तः । व॒रु॒णस्य॑ पा॒शः । पा॒श इति॑ पा॒शः ॥ 16

(35/42) (ह॒थ्सु-प॒ञ्च॒त्रि॒श॒च्च) (A8)

T.S.1.2.9.1 - kramam

प्र च्य॑वस्व । च्य॑वस्व भु॒वः । भु॒व॒स्प॒ते । प॒ते वि॒श्वा॒नि । वि॒श्वा॒न्य॒भि ।
अ॒भि धा॒मा॒नि । धा॒मा॒नि मा । मा त्वा॑ । त्वा॒ परि॒परी॑ । परि॒परी॑ वि॒दत् ।
परि॒परी॑ति॑ परि॒ - प॒री । वि॒द॒न्मा । मा त्वा॑ । त्वा॒ परि॒प॒न्थि॒नः ।

प्रथम काण्डे – द्वितीयः प्रश्नः – (TS 1.2)

परिपन्थिनो॑ विदन् । परिपन्थिन॑ इति परि – पन्थिनः॑ । विदन्मा॑ ।
मा॑ त्वा । त्वा॑ वृकाः । वृका॑ अघायवः । अघायवो॑ मा । अघायव॑
इत्यघ॑ – यवः । मा॑ गन्धर्वः । गन्धर्वो॑ विश्वावसुः । विश्वावसुरा॑ ।
विश्वावसुरि॑ति विश्व-वसुः॑ । आ दधत् । दधच्छ्येनः॑ । श्येनो॑ भूत्वा ।
भूत्वा॑ परा । परा॑ पत । पत॑ यजमानस्य । यजमानस्य॑ नः । नो॑ गृहे ।
गृहे॑ देवैः । देवैः॑ स॒ऽस्कृतम् । स॒ऽस्कृतं॑ यजमानस्य । यजमानस्य॑
स्वस्त्ययनी॑ । स्वस्त्ययन्यसि॑ । स्वस्त्ययनीति॑ स्वस्ति – अयनी॑ ।
अस्यपि॑ । अपि॑ पन्थाम् । पन्थामगस्महि॑ । अगस्महि॑ स्वस्तिगाम् ।
स्वस्तिगामनेहसम्॑ । स्वस्तिगामिति॑ स्वस्ति – गाम् । अनेहसं॑ यैन॑ ।
येन॑ विश्वाः । विश्वाः॑ परि । परि॑ द्विषः । द्विषो॑ वृणक्ति । वृणक्ति॑ विन्दते॑ ।
विन्दते॑ वसु । वसु॑ नमः । नमो॑ मित्रस्य () । मित्रस्य॑ वरुणस्य ।
वरुणस्य॑ चक्षसे । चक्षसे॑ महः । महो॑ देवाय । देवाय॑ तत् । तदृतम् ।
ऋत॑ सपर्यत । सपर्यत॑ दूरेदृशे॑ । दूरेदृशे॑ देवजाताय । दूरेदृश॑ इति॑
दूरे – दृशे॑ । देवजाताय॑ केतवे॑ । देवजातायेति॑ देव – जाताय॑ ।
केतवे॑ दिवः । दिवस्पुत्राय॑ । पुत्राय॑ सूर्याय॑ । सूर्याय॑ श॒ऽसत ।

श॒स॒त वरु॑णस्य । वरु॑णस्य स्क्म॒भन॑म् । स्क्म॒भन॑मसि ।
 अ॒सि वरु॑णस्य । वरु॑णस्य स्क्म॒भस॑र्जनम् । स्क्म॒भस॑र्जनमसि ।
 स्क्म॒भस॑र्जनमि॒ति स्क्म॒भ - स॑र्जनम् । अ॒स्यु॒न्मु॒क्तः ।
 उ॒न्मु॒क्तो वरु॑णस्य । उ॒न्मु॒क्त इ॒त्यु॒त् - मु॒क्तः । वरु॑णस्य पा॒शः ।
 पा॒श इति॑ पा॒शः ॥ 17 (73/83) (मि॒त्रस्य॑-त्रयो॒वि॒शति॑श्च) (A9)

T.S.1.2.10.1 - kramam

अ॒ग्ने॒रा॒ति॒थ्यम् । आ॒ति॒थ्य॑मसि । अ॒सि वि॒ष्णवे॑ । वि॒ष्णवे॑ त्वा । त्वा
 सो॒मस्य॑ । सो॒मस्या॑ति॒थ्यम् । आ॒ति॒थ्य॑मसि । अ॒सि वि॒ष्णवे॑ । वि॒ष्णवे॑
 त्वा । त्वाऽति॑थेः । अ॒ति॒थे॒रा॒ति॒थ्यम् । आ॒ति॒थ्य॑मसि । अ॒सि वि॒ष्णवे॑ ।
 वि॒ष्णवे॑ त्वा । त्वाऽग्न॑ये॒ । अ॒ग्नये॑ त्वा । त्वा रा॒यस्पो॑षदा॒व्.न्ने॑ ।
 रा॒यस्पो॑षदा॒व्.न्ने॑ वि॒ष्णवे॑ । रा॒यस्पो॑षदा॒व्.न्न॑ इति॑
 रा॒यस्पो॑ष - दा॒व्.न्ने॑ । वि॒ष्णवे॑ त्वा । त्वा इ॒ये॒नाय॑ । इ॒ये॒नाय॑ त्वा ।
 त्वा सो॒मभृ॑ते॒ । सो॒मभृ॑ते॒ वि॒ष्णवे॑ । सो॒मभृ॑त इति॑ सो॒म - भृ॑ते॒ ।
 वि॒ष्णवे॑ त्वा । त्वा या॑ । या॒ ते॒ । ते॒ धा॒मानि॑ । धा॒मानि॑ ह॒विषा॑ ।
 ह॒विषा॑ यज॑न्ति । यज॑न्ति ता । ता॒ ते॒ । ते॒ विश्वा॑ । विश्वा॑ परि॒भूः ।
 परि॒भूर॑स्तु । परि॒भूरि॑ति परि॒-भूः । अ॒स्तु य॒ज्ञम् । य॒ज्ञं ग॒यस्फा॑नः ।

प्रथम काण्डे – द्वितीयः प्रश्नः – (TS 1.2)

गयस्फानः॑ प्र॒तरणः॑ । गयस्फान॑ इति॒ गय – स्फानः॑ ।
प्र॒तरणः॑ सु॒वीरः॑ । प्र॒तरण॑ इति॒ प्र – तरणः॑ । सु॒वीरोऽवी॑रहा ।
सु॒वीर॑ इति॒ सु – वीरः॑ । अवी॑रहा प्र । अवी॑रहेत्यवीर – हा ।
प्र चर॑ । चरा॑ सोम॑ । सोम॑ दुर्यान् । दुर्यान्॑दित्याः ।
अदित्याः॑ सदः॑ । सदोऽसि॑ । अस्य॑दित्याः । अदित्याः॑ सदः॑ ।

सद॑ आ । आ सीद॑ । 18 (50/57)

T.S.1.2.10.2 - kramam

सीद॑ वरुणः॑ । वरुणोऽसि॑ । असि॑ धृत॑व्रतः । धृत॑व्रतो॒ वारुण॑म् ।
धृत॑व्रत॒ इति॒ धृत – व्रतः॑ । वारुण॑मसि॑ । असि॑ शम्ँयोः॑ । शम्ँयोर्
दे॒वाना॑म् । शम्ँयो॒रिति॑ शम् – योः॑ । दे॒वाना॑ꣳ स॒ख्यात् । स॒ख्यान्मा॑ ।
मा दे॒वाना॑म् । दे॒वाना॑मपसः॑ । अपसः॑ छिथ्स्महि॑ । छिथ्स्मह्या॑पतये॑ ।
आप॑तये॒ त्वा । आप॑तय॒ इत्या – पतये॑ । त्वा गृ॒ह्णामि॑ । गृ॒ह्णामि॑
परि॑पतये॒ । परि॑पतये॒ त्वा । परि॑पतय॒ इति॒ परि – पतये॑ । त्वा गृ॒ह्णामि॑ ।
गृ॒ह्णामि॑ तनू॒नप्त्रे॑ । तनू॒नप्त्रे॑ त्वा । तनू॒नप्त्र॑ इति॒ तनू – नप्त्रे॑ ।
त्वा गृ॒ह्णामि॑ । गृ॒ह्णामि॑ शाक्व॒राय॑ । शाक्व॒राय॑ त्वा । त्वा गृ॒ह्णामि॑ ।

गृ॒ह्णामि॑ श॒क्मन् । श॒क्मन्नो॑जि॒ष्ठाय॑ । ओ॒जिष्ठाय॑ त्वा । त्वा गृ॒ह्णामि॑ ।
 गृ॒ह्णाम्य॑ना॒धृष्ट॑म् । अ॒ना॒धृष्ट॑म॒सि । अ॒ना॒धृष्ट॑मि॒त्यना॑ – धृष्ट॑म् ।
 अ॒स्य॑ना॒धृष्य॑म् । अ॒ना॒धृष्य॑म् दे॒वाना॑म् । अ॒ना॒धृष्य॑मि॒त्यना॑ – धृष्य॑म् ।
 दे॒वाना॑मो॒जः । ओ॒जोऽभि॑श॒स्तिपाः॑ । अ॒भि॒श॒स्तिपा॑ अ॒न॒भि॒श॒स्तेन्य॑म् ।
 अ॒भि॒श॒स्तिपा॑ इ॒त्य॒भि॒श॒स्ति – पाः॑ । अ॒न॒भि॒श॒स्तेन्य॑म॒नु ।
 अ॒न॒भि॒श॒स्तेन्य॑मि॒त्यन॑भि – श॒स्तेन्य॑म् । अ॒नु मे॑ । मे॑ दी॒क्षाम् ।
 दी॒क्षाम् दी॒क्षा॑प॒तिः । दी॒क्षा॑प॒तिर् म॒न्यता॑म् । दी॒क्षा॑प॒तिरि॒ति
 दी॒क्षा – प॒तिः । म॒न्यता॑म॒नु । अ॒नु तपः॑ । तप॒स्तप॑स्प॒तिः ।
 तप॒स्पति॑रञ्ज॒सा । तप॒स्पति॑रि॒ति तपः॑ – प॒तिः । अ॒ञ्ज॒सा स॒त्यम् ।
 स॒त्यमु॑प । उ॒प गे॑षम् । गे॒षञ् सु॒वि॒ते । सु॒वि॒ते मा॑ () । मा॒ धाः॑ ।
 धा इति॑ धाः ॥ 19 (51/62) (अ॒मै-कं॑ च) (A10)

T.S.1.2.11.1 - kramam

अ॒ञ्शु॒रञ्शु॑स्ते । अ॒ञ्शु॒रञ्शु॑रि॒त्यञ्शुः॑ – अ॒ञ्शुः॑ । ते दे॒व । दे॒व
 सो॒म । सो॒मा । आ प्या॑यताम् । प्या॑यतामिन्द्रा॒य । इन्द्रा॑यै॒कध॑नविदे ।
 ए॒कध॑नविद आ । ए॒कध॑नविद इत्ये॒कध॑न – विदे॑ । आ तु॒भ्यम् ।
 तु॒भ्यमिन्द्रः॑ । इन्द्रः॑ प्या॑यताम् । प्या॑यता मा । आ त्वम् । त्वमिन्द्रा॒य ।

प्रथम काण्डे – द्वितीयः प्रश्नः – (TS 1.2)

इन्द्राय॑ प्याय॒स्व । प्याय॒स्वा । आ॒ प्याय॑य । प्याय॑य सखीन् ।
सखी॑न्त् स॒न्या । स॒न्या मे॒धया॑ । मे॒धया॑ स्व॒स्ति । स्व॒स्ति ते॑ ।
ते दे॒व । दे॒व सोम॑ । सोम॑ सु॒त्याम् । सु॒त्याम॑शीय । अ॒शीयेष्टः॑ ।
ए॒ष्टा रायः॑ । रायः॑ प्र । प्रे॒षे । इ॒षे भगा॑य । भगा॑य॒र्तम् ।
ऋ॒तमृ॑तवादिभ्यः । ऋ॒तवा॑दिभ्यो नमः । ऋ॒तवा॑दिभ्य
इ॒त्यृ॑तवादि – भ्यः । नमो॑ दि॒वे । दि॒वे नमः॑ । नमः॑ पृ॒थिव्यै॑ ।
पृ॒थिव्या॑ अ॒ग्ने॑ । अ॒ग्ने॑ व्र॒तप॑ते । व्र॒तप॑ते त्वम् । व्र॒तप॑त इति
व्र॒त – प॑ते । त्वं व्र॑ताना॒म् । व्र॒तानां॑ व्र॒तप॑तिः । व्र॒तप॑तिरसि ।
व्र॒तप॑तिरिति व्र॒त – प॑तिः । अ॒सि या॑ । या॒ मम॑ । मम॑ त॒नूः ।
त॒नूरे॑षा । ए॒षा सा॑ । सा त्वयि॑ () । त्वयि॑ या । 20 (50/55)

T.S.1.2.11.2 - kramam

या तव॑ । तव॑ त॒नूः । त॒नूरि॑यम् । इ॒यं सा॑ । सा मयि॑ । मयि॑ सह॑ ।
सह॑ नौ॑ । नौ॑ व्र॒तप॑ते । व्र॒तप॑ते व्र॒तिनोः॑ । व्र॒तप॑त इति व्र॒त – प॑ते ।
व्र॒तिनो॑र् व्र॒तानि॑ । व्र॒तानि॑ या॑ । या॒ ते॑ । ते॒ अ॒ग्ने॑ । अ॒ग्ने॑ रु॒द्रिया॑ ।
रु॒द्रिया॑ त॒नूः । त॒नूस्त॑या । तया॑ नः॑ । नः॑ पा॒हि । पा॒हि त॒स्याः॑ ।

तैत्तिरीय संहिता क्रम पाठे (TS 1.2)

तस्या॑स्ते । ते॑ स्वा॒हा । स्वा॒हा या॑ । या॑ ते॑ । ते॑ अ॒ग्ने । अ॒ग्नेऽया॑शया ।
अ॒याशया॑ र॒जाशया॑ । अ॒याशये॑त्यया – शया॑ । र॒जाशया॑ ह॒राशया॑ ।
र॒जाशये॑ति र॒जा – शया॑ । ह॒राशया॑ त॒नूः । ह॒राशये॑ति ह॒रा – शया॑ ।
त॒नूर् व॒र्षि॑ष्ठा । व॒र्षि॑ष्ठा ग॒ह्वरे॑ष्ठा । ग॒ह्वरे॑ष्ठोग्रम् । ग॒ह्वरे॑ष्ठेति
ग॒ह्वरे – स्था॑ । उ॒ग्रं वँचः॑ । व॒चो अ॒प । अ॒पाव॑धीम् । अ॒वधी॑म्
त्वे॒षम् । त्वे॒षं वँचः॑ । व॒चो अ॒प । अ॒पाव॑धीम् । अ॒वधी॑ स्वा॒हा ।
स्वा॒हेति॑ स्वा॒हा ॥ 21 (40/45) (त्वयि॑-च॒त्वारि॑ञ्श॒च्च) (A11)

T.S.1.2.12.1 - kramam

वि॒त्ताय॑नी मे॑ । वि॒त्ताय॑नीति॑ वि॒त्त – अ॒यनी॑ । मे॒ऽसि॑ । अ॒सि
ति॒क्ताय॑नी । ति॒क्ताय॑नी मे॑ । ति॒क्ताय॑नीति॑ ति॒क्त – अ॒यनी॑ । मे॒ऽसि॑ ।
अ॒स्यव॑तात् । अ॒वता॑न्मा । मा॒ ना॒थि॒तम् । ना॒थि॒तम॑वतात् । अ॒वता॑न्मा ।
मा॒ व्य॒थि॒तम् । व्य॒थि॒तं वि॒देः । वि॒दे॒र॒ग्निः । अ॒ग्नि॒र् न॒भः ।
न॒भो ना॑म । ना॒मा॒ग्ने । अ॒ग्ने अ॒ङ्गि॒रः । अ॒ङ्गि॒रो यः । यो॒ऽस्या॑म् ।
अ॒स्या॑म् पृ॒थि॒व्याम् । पृ॒थि॒व्या॒म॒सि॑ । अ॒स्या॑युषा । आ॒यु॒षा ना॑म्ना ।
ना॑म्ना । ए॒हि । इ॒हि य॑त् । य॒त्ते॑ । ते॒ऽना॑धृष्टम् । अ॒ना॑धृष्टम् ना॑म ।
अ॒ना॑धृष्ट॒मित्य॑ना – धृष्ट॒म् । ना॑म॒ य॒ज्ञि॒यम् । य॒ज्ञि॒यम् ते॑न । ते॑न॒ त्वा ।

प्रथम काण्डे – द्वितीयः प्रश्नः – (TS 1.2)

त्वा । आ दधे । दधेऽग्ने॑ । अग्ने॑ अङ्गिरः । अङ्गिरो॑ यः ।
यो द्वितीयस्याम् । द्वितीयस्याम् तृतीयस्याम् । तृतीयस्याम् पृथिव्याम् ।
पृथिव्यामसि॑ । अस्यायुषा॑ । आयुषा॑ नाम्ना॑ । नाम्ना॑ । एहि॑ ।
इहि॑ यत् । यत्ते॑ । तेऽनाधृष्टम् । अनाधृष्टम् नाम॑ ।
अनाधृष्टमित्यना॑ – धृष्टम् । नाम॑ यज्ञियम् । 22 (50/54)

T.S.1.2.12.2 - kramam

यज्ञियम् तेन॑ । तेन॑ त्वा । त्वा । आ दधे । दधे॑ सि॒न्हीः ।
सि॒न्हीरसि॑ । असि॑ महिषीः । महिषीरसि॑ । अस्युरु॑ । उरु॑ प्रथस्व ।
प्रथस्वोरु॑ । उरु॑ ते॑ । ते॑ यज्ञपतिः । यज्ञपतिः॑ प्रथताम् । यज्ञपतिरिति॑
यज्ञ – पतिः॑ । प्रथताम् ध्रुवा॑ । ध्रुवा॑ऽसि । असि॑ देवेभ्यः॑ । देवेभ्यः॑
शुन्धस्व । शुन्धस्व देवेभ्यः॑ । देवेभ्यः॑ शुम्भस्व । शुम्भस्वेन्द्रघोषः॑ ।
इन्द्रघोषस्त्वा॑ । इन्द्रघोष इतीन्द्र – घोषः॑ । त्वा वसुभिः॑ । वसुभिः॑
पुरस्तात् । वसुभिरिति॑ वसु-भिः॑ । पुरस्तात् पातु॑ । पातु॑ मनोजवाः ।
मनोजवास्त्वा॑ । मनोऽजवा इति॑ मनः – जवाः॑ । त्वा पितृभिः॑ ।
पितृभिर् दक्षिणतः॑ । पितृभिरिति॑ पितृ – भिः॑ । दक्षिणतः॑ पातु॑ ।

पा॒तु प्र॑चे॒ताः । प्र॑चे॒तास्त्वा । प्र॑चे॒ता इति॑ प्र – चे॒ताः । त्वा रु॒द्रैः ।
रु॒द्रैः प॒श्चात् । प॒श्चात् पा॒तु । पा॒तु वि॒श्वक॑र्मा । वि॒श्वक॑र्मा त्वा ।
वि॒श्वक॑र्मेति॑ वि॒श्व – क॑र्मा । त्वाऽऽदि॒त्यैः । आ॒दि॒त्यैरु॒त्तर॑तः । उ॒त्तर॑तः
पा॒तु । उ॒त्तर॑त इत्यु॒त् – त॒रतः । पा॒तु सि॒ञ्हीः । सि॒ञ्हीर॑सि । अ॒सि
सप॒न्नसा॑ही । सप॒न्नसा॑ही स्वाहा ॥ सप॒न्नसा॑हीति॑ सप॒न्न – सा॑ही ।
स्वाहा सि॒ञ्हीः । सि॒ञ्हीर॑सि । अ॒सि सु॒प्रजा॑वनिः । सु॒प्रजा॑वनिः
स्वाहा ॥ सु॒प्रजा॑वनि॒रिति॑ सु॒प्रजा – व॑निः । स्वाहा सि॒ञ्हीः () ।
सि॒ञ्हीर॑सि । 23 (50/60)

T.S.1.2.12.3 - kramam

अ॒सि रा॒यस्पो॑षवनिः । रा॒यस्पो॑षवनिः स्वाहा ॥ रा॒यस्पो॑षवनि॒रिति॑
रा॒यस्पो॑ष – व॑निः । स्वाहा सि॒ञ्हीः । सि॒ञ्हीर॑सि ।
अ॒स्यादि॒त्यव॑निः । आ॒दि॒त्यव॑निः स्वाहा ॥
आ॒दि॒त्यव॑नि॒रित्या॑दि॒त्य – व॑निः । स्वाहा सि॒ञ्हीः । सि॒ञ्हीर॑सि ।
अ॒स्या । आ॒ वह॑ । वह॑ दे॒वान् । दे॒वान् दे॒वय॑ते । दे॒वय॑ते यज॑मानाय ।
दे॒वय॑त इति॑ दे॒व – य॑ते । यज॑मानाय स्वाहा ॥ स्वाहा भू॒तेभ्यः॑ ।
भू॒तेभ्य॑स्त्वा । त्वा वि॒श्वायुः॑ । वि॒श्वायु॑रसि ।

प्रथम काण्डे – द्वितीयः प्रश्नः – (TS 1.2)

वि॒श्वायु॑रिति॒ विश्व॑ – आ॒युः । अ॒सि पृ॒थि॒वीम् । पृ॒थि॒वीम् दृ॒ह ।
दृ॒ह ध्रु॒वक्षि॑त् । ध्रु॒वक्षि॑दसि । ध्रु॒वक्षि॑दिति॒ ध्रुव॑ – क्षि॒त् ।
अ॒स्यन्त॑रि॒क्षम् । अ॒न्त॑रि॒क्षम् दृ॒ह । दृ॒हा॒च्यु॒तक्षि॑त् ।
अ॒च्यु॒तक्षि॑दसि । अ॒च्यु॒तक्षि॑दित्य॒च्यु॒त – क्षि॒त् । अ॒सि दि॒वम् ॥
दि॒वम् दृ॒ह । दृ॒हा॒ग्नेः । अ॒ग्नेर् भ॑स्म । भ॑स्मा॒सि । अ॒स्यग्नेः॑ ।
अ॒ग्नेः पु॑री॒षम् । पु॑री॒षम॑सि । अ॒सीत्य॑सि ॥ 24 (35/41)

(नाम॑-सुप्रजावनिः स्वाहा॑ सि॒न्हीः-पञ्च॑त्रि॒ंशच्च॑) (A12)

T.S.1.2.13.1 - kramam

यु॒ञ्जते॑ म॒नः । म॒न उ॒त । उ॒त यु॒ञ्जते॑ । यु॒ञ्जते॑ धि॒यः ।
धि॒यो वि॒प्राः । वि॒प्रा वि॒प्रस्य॑ । वि॒प्रस्य॑ बृ॒हतः॑ । बृ॒हतो॑ वि॒पश्चि॑तः ।
वि॒पश्चि॑त इति॒ वि॒पश्चि॑तः ॥ वि॒ हो॒त्राः । हो॒त्रा द॑धे । द॑धे व॒युना॑वित् ।
व॒युना॑विदे॒कः । व॒युना॑विदिति॒ वयु॑न – वि॒त् । ए॒क इ॒त् । इ॒न्मही॑ ।
म॒ही दे॒वस्य॑ । दे॒वस्य॑ स॒वितुः॑ । स॒वितुः॑ परि॒ष्टुतिः॑ । परि॒ष्टुति॑रिति॒
परि॑ – स्तु॒तिः ॥ सु॒वाग् दे॒व । सु॒वागि॑ति॒ सु – वाक् । दे॒व दु॒र्यान् ।
दु॒र्या॒ आ । आ व॑द । व॒द दे॒वश्रु॑तौ । दे॒वश्रु॑तौ दे॒वेषु॑ ।

दे॒वश्रु॒तावि॒ति दे॒व – श्रु॒तौ॑ । दे॒वेष्व॑ । आ॒ घो॒षे॒थाम् । घो॒षे॒थामा॑ ।
 आ॒ नः॑ । नो॒ वी॒रः॑ । वी॒रो जा॒यता॑म् । जा॒यता॑म् क॒र्मण्यः॑ ।
 क॒र्मण्यो॑ यम् । य॒ः स॒र्वे॑ । स॒र्वेऽनु॑जी॒वाम॑ । अनु॒जी॒वाम॑ यः ।
 अनु॒जी॒वामे॒त्यनु॑ – जी॒वाम॑ । यो ब॒हूना॑म् । ब॒हूना॑म॒सत् । अ॒सद्व॒शी ।
 व॒शीति॑ व॒शी ॥ इ॒दं वि॒ष्णुः॑ । वि॒ष्णुर्वि॑ । वि॒ च॒क्रमे॑ । च॒क्रमे॑ त्रे॒धा ।
 त्रे॒धा नि॑ । नि॒ द॒धे॑ । द॒धे प॒दम् । प॒दमि॑ति प॒दम् ॥ स॒मूढ॑म॒स्य ।
 स॒मूढमि॑ति सं – ऊ॒ढम् । अ॒स्य पा॒ऽसुरे॑ । 25 (50/55)

T.S.1.2.13.2 - kramam

पा॒ऽसुर॑ इ॒राव॑ती । इ॒राव॑ती धे॒नुम॑ती॑ । इ॒राव॑ती इ॒तीरा॑ – व॒ती ।
 धे॒नुम॑ती हि । धे॒नुम॑ती इति॑ धे॒नु – म॑ती॑ । हि भू॒तम् । भू॒त॑ः
 सू॒यव॑सिनी॑ । सू॒यव॑सिनी॑ म॒नवे॑ । सू॒यव॑सिनी॑ इति॑ सु – य॒वसि॑नी॑ ।
 म॒नवे॑ य॒शस्ये॑ । य॒शस्ये॑ इति॑ य॒शस्ये॑ ॥ व्य॒स्क॒भ्नात् । अ॒स्क॒भ्नाद्
 रो॒दसी॑ । रो॒दसी॑ वि॒ष्णुः॑ । रो॒दसी॑ इति॑ रो॒दसी॑ । वि॒ष्णुरे॑ते ।
 ए॒ते दा॑धार । ए॒ते इत्ये॑ते । दा॑धार पृ॒थि॒वीम् । पृ॒थि॒वीम॑भि॒तः ।
 अ॒भि॒तो म॒यूखैः॑ । म॒यूखै॑रिति॑ म॒यूखैः॑ ॥ प्रा॒ची प्र॑ ।
 प्रा॒ची इति॑ प्रा॒ची । प्रे॒तम् । इ॒तम॑ध्व॒रम् । अ॒ध्व॒रम् क॒ल्पय॑न्ती ।

प्रथम काण्डे – द्वितीयः प्रश्नः – (TS 1.2)

क॒ल्पय॑न्ती ऊ॒र्ध्वम् । क॒ल्पय॑न्ती इति क॒ल्पय॑न्ती । ऊ॒र्ध्वं य॑ज्ञम् ।
य॑ज्ञं न॒यत॑म् । न॒यत॑म् मा । मा जी॒ह्वर॑तम् । जी॒ह्वर॑तम॒त्र ।
अ॒त्र र॑मे॒थाम् । र॑मे॒थां व॑र्ष्मन् । व॑र्ष्मन् पृ॒थि॒व्याः । पृ॒थि॒व्या दि॒वः ।
दि॒वो वा॑ । वा वि॒ष्णो॑ । वि॒ष्णवु॑त । उ॒त वा॑ । वा पृ॒थि॒व्याः । पृ॒थि॒व्या
म॒हः । म॒हो वा॑ । वा वि॒ष्णो॑ । वि॒ष्णवु॑त । उ॒त वा॑ । वाऽन्त॑रि॒क्षात् ।
अ॒न्त॑रि॒क्षाद्ब॑स्तौ । ह॒स्तौ पृ॑णस्व । पृ॒णस्व॑ बहु॒भिः ।
ब॒हुभि॑र् व॒सव्यैः॑ । ब॒हुभि॑रिति॒ बहु॑ – भिः । व॒सव्यै॑रा । आ प्र ।
प्र य॑च्छ () । य॑च्छ दक्षि॒णात् । 26 (50/58)

T.S.1.2.13.3 - kramam

दक्षि॒णादा॑ । ओ॒त । उ॒त स॒व्यात् । स॒व्यादि॑ति स॒व्यात् ॥ वि॒ष्णोर् नु॑कम् ।
नु॑कं वी॒र्या॑णि । वी॒र्या॑णि प्र । प्र वो॑चम् । वो॒चं यः॑ । यः पा॒र्थि॒वानि॑ ।
पा॒र्थि॒वानि॑ वि॒ममे॑ । वि॒ममे॑ रजा॒सि । वि॒मम॑ इति वि – म॒मे ।
रजा॒सि यः॑ । यो अ॒स्क॒भाय॑त् । अ॒स्क॒भाय॑दु॒त्तर॑म् ।
उ॒त्तर॑ स॒धस्थ॑म् । उ॒त्तर॑मि॒त्युत् – त॒रम् । स॒धस्थं॑ वि॒चक्र॑माणः ।
स॒धस्थ॑मि॒ति स॒ध – स्थ॑म् । वि॒चक्र॑माणस्त्रे॒धा । वि॒चक्र॑माण

इति॑ वि - च॒क्र॒मा॒णः॑ । त्रे॒धो॑रु॒गायः॑ । उ॒रु॒गा॒यो वि॒ष्णोः॑ । उ॒रु॒गा॒य
इत्यु॑रु - गा॒यः । वि॒ष्णो ररा॑टम् । ररा॑टम॒सि । अ॒सि वि॒ष्णोः॑ । वि॒ष्णोः॑
पृ॒ष्ठम् । पृ॒ष्ठम॒सि । अ॒सि वि॒ष्णोः॑ । वि॒ष्णोः॑ इ॒न॒प्त्रे॑ । इ॒न॒प्त्रे॑ स्थः ।
इ॒न॒प्त्रे इति॑ इ॒न॒प्त्रे॑ । स्थो॑ वि॒ष्णोः॑ । वि॒ष्णोः॑ स्यूः । स्यू॑र॒सि । अ॒सि
वि॒ष्णोः॑ । वि॒ष्णो ध्रु॑वम् । ध्रु॑वम॒सि । अ॒सि वै॒ष्ण॒वम् । वै॒ष्ण॒वम॒सि ।
अ॒सि वि॒ष्ण॒वे । वि॒ष्ण॒वे त्वा । त्वेति॑ त्वा ॥ 27 (39/45)

(अ॒स्य-य॒च्छै-का॒न्नच॒त्वारि॑ञ्श॒च्च) (A13)

T.S.1.2.14.1 - kramam

कृ॒णु॒ष्व पा॒जः । पा॒जः प्र॒सि॒तिम् । प्र॒सि॒तिम् न । प्र॒सि॒तिमि॒ति
प्र - सि॒तिम् । न पृ॒थ्वी॑म् । पृ॒थ्वीं या॒हि । या॒हि रा॒जा । रा॒जे॒व ।
इ॒वा॒म॒वा॒न् । अ॒म॒वा॒न् इ॒भे॒न । अ॒म॒वा॒नित्य॑म - वा॒न् । इ॒भे॒ने॒ती॒भे॒न ॥
तृ॒ष्ठीम॑नु । अ॒नु प्र॒सि॒तिम् । प्र॒सि॒तिम् द्रो॒णानः॑ । प्र॒सि॒तिमि॒ति
प्र - सि॒तिम् । द्रू॒णानो॑ऽस्ता । अ॒स्ताऽसि॑ । अ॒सि वि॒द्ध्य ।
वि॒द्ध्य र॒क्ष॒सः । र॒क्ष॒सस्त॑पि॒ष्ठैः । त॑पि॒ष्ठैरि॒ति त॑पि॒ष्ठैः ॥ त॒व भ्र॑मा॒सः ।
भ्र॑मा॒स आ॒शु॒या । आ॒शु॒या प॑त॒न्ति । प॑त॒न्त्यनु॑ । अ॒नु स्पृ॑श ।
स्पृ॑श धृ॒ष॒ता । धृ॒ष॒ता शो॑शु॒चानः॑ । शो॑शु॒चान इति॑ शो॑शु॒चानः॑ ॥

प्रथम काण्डे – द्वितीयः प्रश्नः – (TS 1.2)

तपू॒ष्यग्ने॑ । अ॒ग्ने जु॒ह्वा । जु॒ह्वा प॒तङ्गान्॑ । प॒तङ्गान॑स॒न्दितः॑ ।
अस॑न्दितो वि । अस॑न्दित इत्य॑सं-दितः । वि सृ॑ज । सृ॑ज वि॒ष्वक् ।
वि॒ष्वगु॑ल्काः । उ॒ल्का इत्यु॑ल्काः ॥ प्र॒ति स्प॑शः । स्प॒शो वि॑ ।
वि सृ॑ज । सृ॑ज तू॒र्णित॑मः । तू॒र्णित॑मो भव॑ । तू॒र्णित॑म इति॑
तू॒र्णि - त॑मः । भ॒वा पा॑युः । पा॒युर् वि॑शः । वि॒शो अ॒स्याः ।
अ॒स्या अ॒दब्धः॑ । अ॒दब्ध इत्य॑दब्धः ॥

यो नः॑ । नो॒ दूरे॑ । दूरे॑ अ॒घश॑ऽसः । अ॒घश॑ऽसो यः ।

अ॒घश॑ऽस इत्य॑घ - श॑ऽसः । 28 (50/56)

T.S.1.2.14.2 - kramam

यो अ॒न्ति । अ॒न्त्यग्ने॑ । अ॒ग्ने मा॑किः । मा॒किष्टे॑ । ते व्य॑थिः । व्य॒थिरा॑ ।
आ द॑धर्षीत् । द॒धर्षी॑दिति द॒धर्षी॑त् ॥ उ॒दग्ने॑ । अ॒ग्ने तिष्ठ॑ ।
तिष्ठ॑ प्र॒ति । प्र॒त्या । आ त॑नुष्व । त॒नुष्व नि॑ । न्य॒मित्रा॑न् । अ॒मित्रा॑ऽ
ओष॑तात् । ओष॑तात् ति॒ग्महे॑ते । ति॒ग्महे॑त इति॑ ति॒ग्म - हे॑ते ॥
यो नः॑ । नो॒ अरा॑तिम् । अ॒राति॑ऽस॒मिधान॑ । स॒मिधान॑ च॒क्रे ।
स॒मिधाने॑ति सं - इ॒धान॑ । च॒क्रे नी॒चा । नी॒चा त॑म् । त॑म् ध॒क्षि ।

धक्ष्य॑त॒सम् । अ॒त॒स॒न्न । न शु॒ष्कम् । शु॒ष्कमि॒ति शु॒ष्कम् ॥ ऊ॒र्ध्वो
 भ॒व । भ॒व प्र॒ति । प्र॒ति वि॒ध्य । वि॒ध्याधि॑ । अ॒ध्यस्म॑त् । अ॒स्मदा॑विः ।
 आ॒विष्कृ॑णुष्व । कृ॒णुष्व दै॒व्यानि॑ । दै॒व्या॒न्यग्ने॑ । अ॒ग्ने इत्य॑ग्ने ॥
 अ॒व स्थि॑रा । स्थि॒रा त॒नुहि॑ । त॒नुहि॑ या॒तुजू॑नाम् । या॒तुजू॑नाम्
 जा॒मिम् । जा॒मिमि॑जा॒मिम् । अ॒जा॒मिम् प्र॑ । प्र॑ मृ॒णीहि॑ । मृ॒णीहि॑ श॒त्रून् ।
 श॒त्रूनि॑ति॒ श॒त्रून् ॥ स॒ते ॥ ते॒ जा॒नाति॑ । 29 (50/51)

T.S.1.2.14.3 - kramam

जा॒नाति॑ सु॒मति॑म् । सु॒मतिं॑ य॒विष्ठ॑ । सु॒मतिमि॑ति सु – म॒तिम् ।
 य॒विष्ठ॑ यः । य॒ ईव॑ते । ई॒वते॑ ब्र॒ह्मणे॑ । ब्र॒ह्मणे॑ गा॒तुम् । गा॒तुमै॑रत् ।
 ऐ॒रदि॒त्यैर॑त् ॥ वि॒श्वा॒न्यस्मै॑ । अ॒स्मै सु॒दिना॑नि । सु॒दिना॑नि रा॒यः ।
 सु॒दिना॑नीति॒ सु – दि॑ना॒नि । रा॒यो द्यु॒म्नानि॑ । द्यु॒म्ना॒न्यर्यः॑ । अ॒र्यो वि॑ ।
 वि॒ दुरः॑ । दुरो॑ अ॒भि । अ॒भि द्यौ॑त् । द्यौ॒दिति॑ द्यौ॑त् ॥ से॒त् । इ॒दग्ने॑ ।
 अ॒ग्ने अ॒स्तु । अ॒स्तु सु॒भगः॑ । सु॒भगः॑ सु॒दानुः॑ । सु॒भग॑ इति॒
 सु – भ॑गः । सु॒दानु॑र् यः । सु॒दानु॑रिति॒ सु – दानुः॑ । य॒स्त्वा ।
 त्वा॒ नित्ये॑न । नित्ये॑न ह॒विषा॑ । ह॒विषा॑ यः । य॒ उक्थैः॑ ।
 उ॒क्थैरि॑त्यु॒क्थैः॑ ॥ पि॒प्री॑षति॒ स्वे । स्व॑ आ॒युषि॑ । आ॒युषि॑ दुरो॒णे ।

दु॒रो॒णे॑ वि॒श्वा॑ । दु॒रो॒ण॑ इति दुः – ओ॒ने॑ । वि॒श्वे॑त् । इ॒दस्मै॑ । अ॒स्मै॑
सु॒दि॒ना॑ । सु॒दि॒ना॑ सा । सु॒दि॒ने॒ति॑ सु॒-दि॒ना॑ । साऽस॑त् । अ॒स॒दि॒ष्टिः॑ ।
इ॒ष्टि॒रि॒ती॒ष्टिः॑ ॥ अ॒र्चामि॑ ते । ते सु॒म॒ति॒म् । सु॒म॒ति॒म् घो॒षि॑ ।
सु॒म॒ति॒मि॒ति॑ सु – म॒ति॒म् । घो॒ष्य॒र्वाक् । अ॒र्वा॒ख् स॒म् । स॒म् ते॑ ।
ते वा॒वा॒ता॑ । वा॒वा॒ता॑ ज॒र॒ता॒म् । ज॒र॒ता॒मि॒य॒म् । 30 (50/57)

T.S.1.2.14.4 - kramam

इ॒य॒म् गीः॑ । गी॒रि॒ति॑ गीः ॥ स्व॒श्वा॑स्ता । स्व॒श्वा॑ इति सु – अ॒श्वाः॑ ।
त्वा सु॒र॒थाः॑ । सु॒र॒था॑ म॒र्ज॒ये॒म । सु॒र॒था॑ इति सु – र॒थाः॑ ।
म॒र्ज॒ये॒मा॒स्मै॑ । अ॒स्मै॑ क्ष॒त्रा॒णि । अ॒स्मै॑ इ॒त्य॒स्मै॑ । क्ष॒त्रा॒णि धा॒र॒येः॑ ।
धा॒र॒ये॒र॒नु॑ । अ॒नु॒ द्यून् । द्यू॒नि॒ति॑ द्यून् ॥ इ॒ह त्वा॑ । त्वा भू॒रि॑ । भू॒र्या॑ ।
अ च॒रे॒त् । च॒रे॒दु॒प॑ । उ॒प॒ त्म॒न् । त्म॒न् दो॒षा॒व॒स्तः॑ । दो॒षा॒व॒स्त् ।
दी॒दि॒वा॒ऽस॒म् । दो॒षा॒व॒स्त् रि॒ति॑ दो॒षा॑ – व॒स्तः॑ । दी॒दि॒वा॒ऽस॒म॒नु॑ ।
अ॒नु॒ द्यून् । द्यू॒नि॒ति॑ द्यून् ॥ क्री॒ड॒न्त॒स्त्वा॑ । त्वा सु॒म॒न॒सः॑ ।
सु॒म॒न॒सः॑ स॒पे॒म । सु॒म॒न॒स॑ इति सु – म॒न॒सः॑ । स॒पे॒मा॒भि॑ ।
अ॒भि॑ द्यु॒म्ना॑ । द्यु॒म्ना॑ त॒स्थि॒वा॒ऽसः॑ । त॒स्थि॒वा॒ऽसो॑ ज॒ना॒ना॒म् ।

तैत्तिरीय संहिता क्रम पाठे (TS 1.2)

जनानामिति जनानाम् ॥ यस्त्वा । त्वा स्वश्वः । स्वश्वः सुहिरण्यः ।
स्वश्व इति सु – अश्वः । सुहिरण्यो अग्ने । सुहिरण्य इति सु दृ
हिरण्यः । अग्न उपयाति । उपयाति वसुमता । उपयातीत्युप – याति ।
वसुमता रथेन । वसुमतेति वसु – मता । रथेनेति रथेन ॥
तस्य त्राता । त्राता भवसि । भवसि तस्य । तस्य सखा । सखा यः ।
यस्ते । त अतिथ्यम् । अतिथ्यमानुषक् । आनुषग् जुजोषत् । जुजोष
दिति जुजोषत् ॥ महो रुजामि । रुजामि बन्धुता ॥ 31 (50/59)

T.S.1.2.14.5 - kramam

बन्धुता वचोभिः । वचोभिस्तत् । वचोभिरिति वचः – भिः । तन्मा ।
मा पितुः । पितुर् गौतमात् । गौतमादनु । अन्वियाय । इयायेतीयाय ॥
त्वन्नः । नो अस्य । अस्य वचसः । वचसश्चिकिद्धि । चिकिद्धि
होतः । होतर् यविष्ठ । यविष्ठ सुक्रतो । सुक्रतो दमूनाः । सुक्रतो
इति सु – क्रतो । दमूना इति दमूनाः ॥ अस्वप्नज स्तरणयः ।
अस्वप्नज इत्यस्वप्न-जः । तरणयः सुशेवाः । सुशेवा अतन्द्रासः ।
सुशेवा इति सु – शेवाः । अतन्द्रासोऽवृकाः । अवृका अश्रमिष्ठाः ।
अश्रमिष्ठा इत्यश्रमिष्ठाः ॥ ते पायवः । पायवः सद्ध्ययञ्चः ।

प्रथम काण्डे – द्वितीयः प्रश्नः – (TS 1.2)

स॒दि॒ध्रय॑ञ्चो॒ नि॒षद्य॑ । नि॒षद्या॑ग्ने॒ ॥ नि॒षद्ये॑ति॒ नि – सद्य॑ । अ॒ग्ने तव॑ ।
तव॑ नः । नः॒ पा॒न्तु । पा॒न्त्वमू॒र । अ॒मूरे॑त्यमू॒र ॥ ये पा॒यवः॑ । पा॒यवो॑
मा॒मते॑यम् । मा॒मते॑यम् ते॒ । ते अ॒ग्ने । अ॒ग्ने प॑श्यन्तः । प॑श्यन्तो
अ॒न्धम् । अ॒न्धम् दु॑रि॒तात् । दु॒रि॒ताद॑रक्षन् । दु॒रि॒तादि॑ति दुः-इ॒तात् ।
अ॒रक्ष॑न्नित्य॒रक्ष॑न् ॥ र॒रक्ष॑ तान् । तान्त् सु॒कृतः॑ । सु॒कृतो॑ वि॒श्ववे॑दाः ।
सु॒कृत॑ इति॒ सु – कृतः॑ । वि॒श्ववे॑दा दि॒प्सन्तः॑ । वि॒श्ववे॑दा इति॒
वि॒श्व – वे॒दाः । दि॒प्सन्त॑ इत् । इद् रि॒पवः॑ । रि॒पवो॑ न । ना ह॑ ।

ह दे॒भुः । 32 (50/58)

T.S.1.2.14.6 - kramam

दे॒भुरि॑ति॒ दे॒भुः ॥ त्वया॑ व॒यम् । व॒यञ् स॑ध॒न्यः । स॑ध॒न्यस्त्वो॑ताः ।
स॑ध॒न्य इति॑ स॑ध-न्यः । त्वो॒ता स्तव॑ । तव॑ प्र॒णीति॑ । प्र॒णीत्य॑श्याम ।
प्र॒णीतीति॑ प्र – नी॒ती । अ॒श्याम॑ वा॒जान् । वा॒जा॒नि॒ति वा॒जान् ॥
उ॒भा॒शञ्सा॑ । शञ्सा॑ सू॒दय॑ । सू॒दय॑ स॒त्यता॑ते । स॒त्यता॑ते ऽनु॒ष्टुया॑ ।
स॒त्यता॑त इति॑ स॒त्य – ता॑ते । अ॒नु॒ष्टुया॑ कृ॒णुहि॑ । कृ॒णु॒ह्य॒ह्याण॑ ।
अ॒ह्या॒णे॒त्य॒ह्याण॑ ॥ अ॒या ते॑ । ते अ॒ग्ने । अ॒ग्ने स॑मि॒धा । स॑मि॒धा

वि॒धेम । समि॒धेति॑ सं – इ॒धा॑ ॥ वि॒धेम॑ प्र॒ति । प्र॒ति स्तो॑मम् ।
 स्तो॑म॒ञ् श॒स्य॑मा॒नम् । श॒स्य॑मा॒नम् गृ॒भाय॑ । गृ॒भाये॑ति गृ॒भाय॑ ॥
 द॒हाश॑सः । अ॒शसो॑ र॒क्षसः॑ । र॒क्षसः॑ पा॒हि । पा॒ह्यस्मा॑न् ।
 अ॒स्मा॒न् द्रु॒हः । द्रु॒हो नि॒दः । नि॒दो मि॒त्रम॑हः । मि॒त्रम॑हो अ॒वद्या॑त् ।
 मि॒त्रम॑ह इति॑ मि॒त्र – म॑हः । अ॒वद्या॑दित्य॒वद्या॑त् ॥ र॒क्षो॒हणं॑
 वा॒जिन॑म् । र॒क्षो॒हण॑मि॒ति र॒क्षः – ह॑नम् । वा॒जिन॑मा । आ जि॒घर्मि॑ ।
 जि॒घर्मि॑ मि॒त्रम् । मि॒त्रम् प्र॒थिष्ठ॑म् । प्र॒थिष्ठ॑मु॒प । उ॒प या॑मि । या॑मि
 श॒र्म । श॒र्मेति॑ श॒र्म ॥ शि॒शानो॑ अ॒ग्निः । अ॒ग्निः क्र॑तु॒भिः । क्र॑तु॒भिः
 समि॑द्धः । क्र॑तु॒भिरि॑ति क्र॑तु – भिः । समि॑द्धः सः । समि॑द्ध इति॑
 स॒म् – इ॒द्धः । स नः॑ । नो दि॒वा () । दि॒वा सः॑ । 33 (50/58)

T.S.1.2.14.7 - kramam

स रि॒षः । रि॒षः पा॒तु । पा॒तु न॑क्तम् । न॑क्तमि॒ति न॑क्तम् ॥
 वि ज्यो॑तिषा । ज्यो॑तिषा बृ॒हता॑ । बृ॒हता॑ भा॒ति । भा॒त्यग्निः॑ ।
 अ॒ग्निरा॑विः । आ॒विर् वि॒श्वानि॑ । वि॒श्वानि॑ कृ॒णुते॑ । कृ॒णुते॑ म॒हित्वा॑ ।
 म॒हित्वे॑ति म॒हि – त्वा ॥ प्रा॑दे॒वीः । अ॑दे॒वीर् मा॒याः । मा॒याः स॒हते॑ ।
 स॒हते॑ दु॒रेवाः॑ । दु॒रेवाः॑ शि॒शीते॑ । दु॒रेवा॑ इति॑ दुः – ए॒वाः । शि॒शीते॑

प्रथम काण्डे – द्वितीयः प्रश्नः – (TS 1.2)

शृङ्गो॑ । शृङ्गो॑ रक्ष॒से । शृङ्गो॑ इति॒ शृङ्गो॑ । रक्ष॒से वि॒निक्षे॑ । वि॒निक्षे॑
इति॑ वि – निक्षे॑ ॥ उ॒त स्वा॒नासः॑ । स्वा॒नासो॑ दि॒वि । दि॒विष॑न्तु ।
स॒न्त्वग्नेः॑ । अ॒ग्ने स्ति॒ग्मायु॑धाः । ति॒ग्मायु॑धा रक्ष॒से । ति॒ग्मायु॑धा
इति॑ ति॒ग्म – आ॒युधाः॑ । रक्ष॒से ह॒न्तवै॑ । ह॒न्तवा॑ उ । उ॒वित्यु॑ ॥
म॒दे चि॒त् । चि॒दस्य॑ । अ॒स्य प्र॑ । प्र॒ रुज॑न्ति । रुज॑न्ति भा॒माः ।
भा॒मा न॑ । न व॒रन्ते॑ । व॒रन्ते॑ परि॒बाधः॑ । परि॒बाधो॑ अ॒देवीः॑ ।
परि॒बाध इति॑ परि – बा॒धः । अ॒देवीरि॒त्यदे॑वीः ॥ 34 (41/45)

(अ॒घश॑सः – स ते॑ – ज॒रता॑ – रु॒जामि॑ – ह – दि॒वै – क॑च॒त्वारि॑श्च)
(A14)

Prasna Korvai with starting Padams of 1 to 14 Anuvaakams :-

(आप॑ उ॒न्दन्त्वा – कू॒त्यै – दै॒वी – मि॒यन्ते॑ – व॒स्व्यस्य॑ – शृ॒नाते॑ –
सो॒मन्त॑ – उ॒दायु॑षा – प्र॒ च्यव॑स्वा – अ॒ग्नेरा॑ति॒थ्य – म॒शुर॑श्च॒ शुर॑ –
वि॒त्ताय॑नी मे॒ऽसि – यु॒ञ्चते॑ – कृ॒णुष्व॑ पा॒ज – श्रु॑तु॒र्दश॑ ।)

Korvai with starting Padams of 1, 11, 21 Series of Panchaatis :-

तैत्तिरीय संहिता क्रम पाठे (TS 1.2)

(आपो-वस्व्यसि – या तवे-यङ्गी-श्चतुस्त्रिंशत् ।)

First and Last Padam of Second Prasnam :-

(आप उ॒न्दन्-त्वदे॒वीः ।)

॥ हरिः ओं ॥

॥ कृष्ण यजुर्वेदीय तैत्तिरीय संहितायां प्रथमकाण्डे

द्वितीयः प्रश्नः समाप्तः ॥

प्रथम काण्डे – द्वितीयः प्रश्नः – (TS 1.2)

Details of Panchati and Padam for Kandam 1 – Prasanam 2 – (TS 1.2)

	Panchati	Padams	Krama Vaakyams
Anuvakam 1	2	108	124
Anuvakam 2	3	130	148
Anuvakam 3	3	175	193
Anuvakam 4	2	105	115
Anuvakam 5	2	79	88
Anuvakam 6	1	57	67
Anuvakam 7	1	72	84
Anuvakam 8	2	85	96
Anuvakam 9	1	73	83
Anuvakam 10	2	101	119
Anuvakam 11	2	90	100
Anuvakam 12	3	135	155
Anuvakam 13	3	139	158
Anuvakam 14	7	341	384
Total →	34	1690	1914